



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 57. Concilia Confluentinum & Remense.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.
A. C. 922.

§. LVII.

Concilia Confluentinum & Remense.

20. 9. p. 579. **C**ausa Richarii & Hilduini finita est anno nongentesimo vigesimo secundo, quo etiam Concilium Confluentiæ celebratum. Interfuere Episcopi octo, scilicet Hermannus Archiepiscopus Coloniensis & Herigerus Moguntinus, tum Episcopi Herbipolensis, Mindensis, Osabrugensis, Wormatiensis, Argentoratensis, & Paderbornensis. Hujus Concilii, amborum Regum Caroli Franciæ & Henrici Germaniæ jussu congregati, quinque Canones habemus. *Nullus Christianus infra sextam generationem nuptias conficere audeat. Laici Capellarum ad se pertinentium Decimas non accipiant, quibus canes aut pellices suas pascant, nec in alios transferant, sed eas Presbyteri, id est, Parochi, in restaurandas Ecclesias, conservanda luminaria, hospites pauperesque alendos impendant. Monachi & Ecclesiæ suis Episcopis Diocesis in omnibus sint subjecti. Si quis Christianum insidiis captum venundederit, homicidii reatum contraxit.*
- c. 1. *Christianus infra sextam generationem nuptias conficere audeat.*
- c. 5. *Laici Capellarum ad se pertinentium Decimas non accipiant, quibus canes aut pellices suas pascant, nec in alios transferant, sed eas Presbyteri, id est, Parochi, in restaurandas Ecclesias, conservanda luminaria, hospites pauperesque alendos impendant.*
- c. 8. *Monachi & Ecclesiæ suis Episcopis Diocesis in omnibus sint subjecti.*
- c. 6. *Si quis Christianum insidiis captum venundederit, homicidii reatum contraxit.*

Flod. Chr.
922. Hist. 4.
c. 17. 18.

Eodem anno nongentesimo vigesimo secundo, die secunda Julii, obiit Heriveus Archiepiscopus Remensis, postquam hanc Sedem

Sedem tenuisset annos viginti duos. An-
 no superiore, cum Synodum celebraret, Sæculum X.
A. C. 922.
 rogatus a Rege Carolo, quemdam Dy-
 nastam, nomine Erlebaldum, excommu-
 nicatum & Censura hac innodatum mor-
 tuum absolverat. Quod factum omni-
 no singulare videtur. Successorem ha-
 buit Seulfum, ejusdem Ecclesiæ Archi-
 diaconum, scientiis Ecclesiasticis & pro-
 fanis imbutum, artibus vero liberalibus
 Remigio Antissiodorensi Magistro erudi-
 tum. Triduo priusquam Heriveus obi-
 ret, nempe die Dominica, trigesima Ju-
 nii, anno nongentesimo vigesimo secun-
 do, Robertus filius Roberti fortis & Re-
 gis Odonis frater, Remis in Regem Fran-
 ciæ unctus fuerat, quem valida factio se-
 quebatur, dum interim Carolus Simplex
 viribus inferior plerisque invisus & con-
 temptus ultra Mosam se recipit. Itaque
 consentiente Roberto Seulfus ab Abbone
 Episcopo Sueffionensi ceterisque illius
 provinciæ Episcopis Archiepiscopus Re-
 mensis ordinatus est. Factionis vero Ca-
 rolo Simplici adversæ Caput erat Heber-
 tus Comes Veromanduorum, cujus po-
 tentia suffultus Seulfus Herivei Ante-
 cessoris sui fratrem & nepotem, violatæ
 fidei reos, carceri tradidit, & jam tunc
 in obsequii hujus mercedem Seulfus He-
 berto promississe ferebatur, effecturum
 se,

tom. 9. Conc.
p. 579.

Sæculum X. fe, ut ipsius filius suo tempore Archie-
A. C. 923. piscopus Remensis eligeretur. Interim
 Seulfus ex suis quosdam Romam misit,
Flod. Chr. qui a Joanne Papa peterent, ut Ordina-
 tione confirmata Pallium sibi conceder-
 et; quod etiam anno 923. accepit.

to. 9. Conc.
 p. 581.
 Robertus
 occisus.

Cum Robertus necdum integro an-
 no regnasset, occiditur eodem anno, die
 Dominica, decima quinta Junii, prope
 Sueffionem in prælio, quo nihilominus
 ipsius exercitus victor evasit, & Carolus
 iterum fugere coactus. Post hanc pu-
 gnam eodem anno, ex quo Seulfus Pon-
 tificatum susceperat secundo, Synodum
 celebravit, cui interfuere Abbo Episco-
 pus Sueffionensis, Adelelmus Laudunen-
 sis, Stephanus Cameracensis, Adelelmus
 Silvanectensis, Airardus in eodem Con-
 cilio Episcopus Noviodunensis ordinatus,
 cum ceterorum Remensis Diœceseos
 Episcoporum Legatis. In eo Concilio
 decretum, his, qui in pugna Sueffionen-
 si vel pro Roberto, vel pro Carolo dimica-
 verant, injunctum, ut tribus Quadrage-
 simis per tres annos pœnitentiam age-
 rent, videlicet: *Prima Quadragesima
 sint extra Ecclesiam, & in Cœna Domini
 reconcilientur. Omnibus vero his tribus
 Quadragesimis secunda, quarta & sexta
 feria in pane & aqua jejunent, aut redi-
 mant.*

mant. Similiter quindecim diebus ante Nativitatem S. Joannis Baptistæ, & quindecim diebus ante Nativitatem Domini Salvatoris, & omni feria VI. per totum annum, nisi redemerint, aut ipsa die celebris Festivitas acciderit, aut infirmitate, aut militia probibeantur, abstineant. Jejunia vero eleemosynis redimi poterant. Ceterum hæc pœnitentia magnam cum illis habet affinitatem, quæ decreta fuerunt anno 841. post pugnam ad Fontenacum, ubi etiam Franci adversus Francos hostilia signa intulerant.

Sæculum X.
A. C. 923.

Sup. lib.
XLVIII.
§. 9.

Roberti morte Caroli Simplicis res neutiquam restitutæ sunt. Namque Optimates & Principes factionis adversæ, nempe Francorum pars major, Raoul seu Rudolphum, Roberti generum, Richardi Ducis, cognomento *Justitiæ amantis*, filium ex Burgundia advocatum, Regem salutarunt, atque in Ecclesia S. Medardi Sueffione die Dominica decima tertia Julii, anno 923. a Walterio Archiepiscopo Senonensi Sacro oleo ungi voverunt. Walterio Archiepiscopo eodem anno 19. Nov. fati functo, alter Walterius, mortui nepos, successit.

Chr. S. P.
Vivi to. 2.
Spicil.
p. 711.